

Ukiumut Naunaitkutat talvunga Nunavunmi Qauyihaiyut Havakvianut –  
Iqaluktuuttiaq Qauyiharvianit  
(Ayurnaqtunik qauyihaiyut laisiutaat#: 04 064 12N-M)

Titiraqhimayait S. Kim Juniper, Ataniulluaq Qauyihaqti, Taryuliyiyit Kanatami (Ocean Networks Canada), Ilihaqpaalliviat Victoria-mi, Victoria, British Columbia-mi

Ilitturihimaliqtaik 2014-mi Qauyihaiyunit

Taryuliyiyit Kanatami (Ocean Networks Canada (ONC)) aulapkaivaktut qauyiharvingnit taryup ataani Iqaluktuuttiami September 2012-mit. Taryup ataagut qauyihautinik piksalirutiniklu iliuraimayut naunairumaplugu taryup piqutait, hikup hilingnia taryumiullu uumayut turaaqtitugit qauyiharvianut tunmiraqviup haniani Iqaluktuuttiami. Talvani tunmiraqvingmi, hilahiutit piksalirutillu atayut talvunga havakvianut hinaanit. Naunaitkutit tamangnit ingilrutinit piksalitumillu turaaqtitauvaktut WIFI-kut qaritauyakkuurutitut Nunavunmi kavamatkut havakvianut. Paqittitjutit kavamatkut havakvianit ilittuqhitiyauvaktut Atauttikku Ilittuqhittikku taryumi ikaaqtunit, hapkua naunaunaitkutat qaritauyanut turaaqtitauvaktut. Tamangnik naunaitkutat qauyiharvingnit turaaqtitauvaktut qilangmiittukku talvunga ONC-kut qauyiharvianit Ilihaqpaallivianit Victoria-mi hailiyauhmayut qaritauyakkut talvani ([www.oceannetworks.ca](http://www.oceannetworks.ca)).

Qauyiharvik taamna aulavaktut 2012-mi angmaqtitaugami, naunaiqhitiplugit qauyihaiyit inungniklu tuhaqtittiyaami. Ilitturihimaliqtaik malrunnik ukiunik aulagamik takupkaqtitaavaktut katimaryuaqtunit talvanilu 2013-mi Ukiuqtaqtumi Qauyihaqtit Katimayut Vancouver, BC-mi, talvanilu 2013-mi 2014-milu Kanatami Qilangmiutanik Taryumiutaniklu Qauyihaqtit Katimayit katimaryuaqtillugit, ArcticNet-kut 2013-mi Ukiuq Tamaat Qauyihaqtit Katimaryuaqhutik Halifax, Nova Scotia-mi 2014-milu Ukiuqtaqtut Aallannguqtut (Arctic Change) katimatillugit Ottawa, Ontario-mi. ONC-kut qauyihaqtinik katimapkaivaktut 2013-mi ArcticNet-kut katimatillugit 2014-milu CMOS-kut katimatillugit, ilihaiplugit qauyihaqtit ilihaqtullu naunaiqhitinirmik Iqaluktuuttiaq Qauyihavianit, qaritauyakkut ingilrutituqhutik hailiyauhmayut talvani Taryuliyiyit Kanatami (Ocean Networks Canada) qaritauyakkuurutainit.

2014-mi Hulihimayait Iqaluktuuttiami

6-iuyut havaqatigiit Taryuliyiyinit Kanatami aullaqhimayut Iqaluktuuttiamut September 13-mit 29-mut, 2014-mi, nutaannguqtiqhugu taryup ataani ingilrutainik hinaanirmiullu hilaliqiviat, qauyihaiplugit apiqhuutikkut imarmiutanik aullaqtittiplutiklu ilihavighainik attiqtaat Taryumik Ilittuqhitiit (Ocean Sense) (<http://www.oceannetworks.ca/learning/ocean-sense>).

Qauyiharvingnik Nutaannguqtiriyut – ONC-kut qauyihaqtiit puuvyaaqtit hanayiillu hanatqihugu taryup ataanirmiut ingilrutait katittugu malrunnut qilakkuurutikkut ingilrutilingnik naalautilgit iqalungniklu atatarutilingnik paqittitjutinik. Hivulliq natiq himmiqtauhimayut nutaamik, hanattiaqhimayunik, paqittitjutinik mihingnautiniklu ilavaalliqhugit, taamnaluk aippaklu malruk aullaqtittiplugit immap ataanut inianut. Aippaanik hilaliqvingnik iliuraivaktut tunmiraqvingnit, nutaamiklu hilap mihingnautinik iliuraivaktut.

Uumayunik Qauyihaqtit – Julie-Anne Dorval, Ilihaqtut Taryuliqiniqmik Ilihaqpaallivianit Quebec a Rimouski, havaghimayut Taryuliyiyinit Kanatami Iqaluktuuttiami qauyihaiplugit taryup natirmiutanik harvap haniani qauyiharvianit hanianit. Hapkua hinaanirmiut uumayut qauyihaqpallaahimaattut Ukiuqtaqtumi kamaguhugutiklu inuit hulilukaaqtunik, nunallaat

haniani inngattauyuq. Puuvyaaqtit taryup ataanit piksaliuqpaktut 200 meters unghiktigiyumik 6 meters-nik itiniqmut, uumayullu qauyihagtauvaqtut talvani ininit puuvyaaqtinit natianillu nunanik katitirivaqtut qayaqtuqhutik. Naallugit 45-nik aallanik katitirivaqtut tuyuqhugit Ilihaqpaallivianut Quebec a Rimouski qauyihagtauuyughat.

Ilihaqtittiplutik Hulihiimayait – ONC-kut Ilihaqtittiyut havaktiit katimaqatigihimayait iliaqtit iliaqtullu Nunavunmi Ilihaqpaallivianit, Kiillinik Angayughiit Ilihaqvianit Qullik Ilihaqvianillu (ilialihaaqtut iliaqvial) ilittuqhitiyumaplugit Taryumik Ilittuqhitiinik iliahtjutighat. Ilihaqtut Kiillinik Angayughiit Ilihaqvianit ilihalluarahuat hapkuninnga ukiuq atuqtillugu, havaqatiginiagtaillu iliaqtut talvani Brentwood Ilihaqpaallivianit haniani Victoria, BC talvani ONC-kut aulapkaivaqtut mikitqiyaanik qauyiharvingnik atauttikku naunaiqhitiyaghutik iliaqvingnut.

#### Parnaiyaqhimayut 2015-mi Huliyaqhait Iqaluktuuttiami

Nunainnarmi havaktut utirahuat Iqaluktuuttiamut August nungutinnagu September atulihaaqqalluuniit 2015-mi. Nuutitignaqhimayait 2015-mi taapkua taryup ataanirmiut ingilrutait uataanut 100-nik 200-nikluuniit meters-nik tunmiraqviup, kuinginnailrumut qayaqtuqtunit umiaqtuqtuniklu. Nutaanik iliurainiarunaqhiyut ingilrutinik natiliuqhimayainut 2015-mi. ONC-kut Ilihaiyit utiqniaqmiyut Iqaluktuuttiamut tutqigharahuaqlugu Taryumik Ilittuqhitiit iliahiyaghanik, havaqatigiplugit Kiillinik Angayughiit Ilihaqvial.